

本书出版得到国家古籍整理出版专项经费资助

清代吏治史料

綏蒙書局

官員管理史料 二六

清代吏治史料

綫裝書局



太子太傅內閣燕吏部行走加三級臣朱軾等謹

題爲據實題叅以清場弊事該臣等謹得學臣職司考校務須秉公
矢慎屏除弊端今順天學政孫嘉淦將正紅旗佐領常嵩保送鎗
手常克賽入場伊子常克試頂冒等弊據實題叅秉公辦理毫
無瞻顧實屬可嘉欽奉

諭旨從優叙叙進將孫嘉淦准其加二級謹

題請

旨雍正六年二月十九日題二十一日奉

旨孫嘉淦著加二級

河南總督臣田文鏡謹

題爲據復轉報事該臣看得葉縣張弘仁妻椿梁旁勒死不知姓名人一案據按察使李秉忠等詳稱查此案自雍正五年八月二十一日報官起扣至本年十一月二十一日三個月限滿未據查明將葉縣前任知縣施濬署葉縣知縣馮瑗各職名詳報前來謹

題請

旨雍正五年十二月十七日題六年二月二十一日奉

旨該部議奏

山西巡撫呂石麟謹

題爲報明病故事該呂看得孟縣知縣王弘縉受寒腹痛於雍正六年正月十一日病故再孟縣員缺臣遵例檄委試用知縣閻煊前往署理扣限一年如能称職另行具

題外謹

題請

旨雍正六年二月初八日題二十二日奉
旨吏部知道

陝西巡按臣西琳謹

題爲報明病故事該臣看得淳化縣知縣王聯偶患癱瘓病症於

正五年十二月二十一日病故謹

題請

旨雍正六年正月三十日題二月二十二日奉

旨吏部知道

安慶巡撫臣魏廷珍謹

題爲同知患病故事該臣看得寧國府同知郎文煊進京迎請

龍神像合龍於雍正五年十一月二十一日在儀徵縣地方中途病故相應

題報所遺員缺仰祈

勅部銓補謹

題請

旨雍正六年正月二十六日題二月二十二日奉

旨吏部知道

湖南巡撫臣王國棟謹

題爲聞訃丁憂事該臣看得藍山縣知縣宋文瀾有親母范氏於雍正五年十月初七日在籍病故該縣於雍正五年十二月初五日在任聞訃并無過繼例應丁憂謹

題請

旨雍正六年正月二十五日題二月二十二日奉

旨吏部知道

安慶巡按呂魏廷珍謹

題為據詞轉報事該臣看得滁州公壩水內淌一男屍據周尊認係伊弟
周昇被^殺人一案於雍正五年七月二十五日報官茲據安慶府知府徐士
林詳報雍正四年九月內定例三個月不能查明先行

題參等語此案例限已滿不能查出開列職名請參前來所有承查
遲延之滁州知州趙良增相應指參謹

題請

旨雍正五年十二月十三日題六年二月二十二日奉

旨趙良增著叢處具奏該部知道

署理直隸總督臣宜兆熊謹

題爲報明丁憂事該臣等看得曲周縣知縣傅爾英親母杜氏於雍正五年十二月二十九日在籍病故該員於雍正六年正月二十日在任聞訃並魚過繼例應丁憂謹

題請

旨雍正六年二月初七日題二十二日奉

旨吏部知道

太子太傅內閣兼吏部行走加三級臣朱軾等謹

題爲交代未結詳請題叅以便勒限交盤事該臣等認得臣部尚書仍署理直隸總督事宜兆熊等疏稱天津州倉庫錢糧自雍正三年間天津守備改補廣東番禺縣知縣王昭威離任之後署州事霸州叅革知州選選易州叅革知州郭朝輔併調任永吉州知州陳亞雅琛以及叅革知州宋鼎等正署各官所有交代冊結均未清楚造送雖遲延之故出自有因然官經數易事越兩年揆厥情由明係彼此俱有虧空遞相瞻顧不行揭報相應題叅請將王昭威陳雅琛革職留津勒令與現任知州張星瑞并監盤官保定府同知甘士琿及前任革職知州選選郭朝輔宋鼎等逐一挨次盤查設有未清嚴揭報叅交代得以清楚再前委監盤官鹽山縣知縣李耀龍署州事霸州知州郭允文任由正署各官推諉觀望以致久延合併

附參以聽部議等因於雍正五年十二月二十日題雍正六年正月二十七日奉

旨這所叅王昭威陳雅琛俱著革職留津喫逮選等各正署任內經手錢錢糧逐一交代明白倘有虧空不清之項該督等即行嚴審追擬具奏餘著察議具奏該部知道欽此 除將王昭威等革職行令該督等欽遵外查蘆山縣知縣李耀龍署天津州事霸州知州郭允文推諉觀望以致久延等語應將李耀龍郭允文均照徇情例於現任內各降二級調用查李耀龍有加三級郭允文有加二級俱各消去二級抵降二級均免其降調謹

題請

旨雍正六年二月二十日題二十三日奉

旨凡差委盤查之負理宜秉公據實方為稱職李耀龍郭允文推諉觀望以致久延明係徇情玩法著將李耀龍郭允文各官如何之處詢問直隸總督倘二人才具足以辦事著照議准其抵銷從寬留任倘才具平常著降二級調用

太子太傅內閣庶吏部行走加三級臣朱軾等謹

題爲特參諱匿命案等事該臣等議得臣部左侍郎署理廣西巡按印務阿克敦疏稱遷江縣民盧特恩與盧道經捕魚相爭被特恩用竹竿擊傷道經落水身死前任知縣楊兆隆驗傷諱命不報緝獲特恩等審明監追埋塋特恩等越獄脫逃隨據兵丁王啓等追獲鉤傷特恩頸項在監身死伊兄盧特發糾黨報復鎗死兵丁王啓屍親具報署縣事舉人刘文德驗明屍傷亦匿不通報且核州縣審供未協駁飭妥擬至今未據審解將諱命之原任遷江縣知縣楊兆隆署遷江縣刘文德併承審遲延遷江縣現任知縣劉崑署縣事刘文德等題參等因前來 應將諱命不報之楊兆隆刘文德均照例革職查楊兆隆已經別案革職其革職之處仍行註冊刘文德係候補之員應革去職銜再查此案於雍正五年三月二十日報官起除

去接審展限一月扣至十一月十九日限滿應將承審逾限一月以上之
遷江縣知縣劉嶠照例罰俸一年謹

題請

旨雍正六年二月二十一日題二十三日奉

旨依議

江寧巡撫臣陳時夏謹

題爲特叅署縣徇縱胥役婪詐等事。臣查江蘇常州府屬之孟瀆德勝兩河啓工之始，嚴飭地方有司，併在工各員，實心奉行在案。乃訪查武進縣工房書役受賄舞弊，法優免多圖，侵蝕銀兩，蠹後苗秀科派總甲里長夫頭銀兩，江陰縣工房書役派夫包攬，每圖得銀四五兩。蠹後呂玉寺勒詐里民，程偕徐越凡銀兩，詎署武進縣事揀選知縣朱和均署江陰縣事，試用知縣陳陞誠漫無覺察，明係徇縱相應題叅請

旨。雍正六年正月二十九日題，二月二十三日奉

旨：這所叅朱和均、陳陞誠，具著革職。其徇縱蠹後科派銀兩等情，及本內有名人犯該督一併嚴審究擬具奏。江南各屬興修水利工程浩大，恐蠹後人等借端科派者不止此二縣，該督撫等應時加察訪。

有聞即行恭奏懲治勿謂已經恭處二縣可以卸稽查之責外此或有疎縱致奸竊等苛索滋弊擾累民間該部知道

湖南巡撫臣王國棟謹

題爲報明病故事該臣看得原任安鄉縣叅革知縣馬玉簡染患痢症病故並魚別情等因取具圖結詳齎前來除將圖結送部并馬玉簡原叅檄爛倉穀飭令著落伊子馬俊照數追補外所有馬玉簡病故緣由理合據詳

題報謹具奏

聞雍正五年十二月初八日題六年二月二十三日奉
旨該部知道